

précibus, hanc ceræ creaturam bene ✠ dicere, ac sanctificare tua venerabili pietate digneris, tuam gratiam infundendo; ut omnes, quorum colla per eam ex bona fide tacta fuerint, a quocumque gutturis morbo ipsius passionis meritis liberentur, et in Ecclesia sancta tua sani et hilares tibi gratiarum referant actiones, laudentque nomen tuum gloriosum, quod est benedictum in secula seculorum. Per Dominum nostrum Jesum Christum Filium tuum: Qui tecum vivit etc. **R.** Amen.

Adspargantur aqua benedicta.

Deinde Sacerdos terminata Missa, deposita casula, et manipulo, accensis duobus cereis, ac in modum crucis aptatis, apponens illos sub mento gutturi cujusvis benedicendorum, ipsis ante Altare genuflectentibus, dicat:

Per intercessionem sancti Blasii, Episcopi et Martyris, liberet te Deus a malo gutturis, et a quolibet alio malo. In nomine Patris, et Filii, et Spiritus sancti. Amen.

Benedictio herbarum

in festo Assumptionis B. Mariæ Virg.

Ab soluta adspersione, si Festum venerit in Dominica, alioquin immediate ante majorem Missam, Officians ante Altare, conversus ad populum tenentem herbas, vel fructus, incipit voce intelligibili:

V. Adjutorium nostrum in nomine Domini.
R. Qui fecit cœlum et terram.

Deinde dicat:

Psalmus 64.



De decet hymnus, Deus, in Sion: * et tibi reddetur votum in Jerusalem.

Exaudi orationem meam: * ad te omnis caro veniet.

Verba iniquorum praevaluerunt super nos: * et impietatibus nostris tu propitiaberis.

Beatus, quem elegisti, et assumpsisti: * inhabitabit in atriis tuis.

Replebimur in bonis domus tuæ: * sanctum est templum tuum, mirabile in æquitate.

Exaudi nos Deus salutaris noster, * spes omnium finium terræ, et in mari longe.

Præparans montes in virtute tua, accinctus potentia: * qui conturbas profundum maris, sonum fluctuum ejus.

Turbabuntur gentes, et timebunt qui habitant terminos a signis tuis: * exitus matutini et vespere delectabis.

Visitasti terram et inebriasti eam: * multiplicasti locupletare eam.

Flumen Dei repletum est aquis, parasti cibum illorum: * quoniam ita est præparatio ejus.

Rivos ejus inebria, multiplica genimina ejus: * in stillicidiis ejus lætabitur germinans.

Benedices coronæ anni benignitatis tuæ: * et campi tui replebuntur ubertate.

Pinguëscent speciosa deserti: * et exultatione colles accingentur.

Induti sunt arietes ovium, et valles abundabunt frumento: * clamabunt, etenim hymnum dicent.

Gloria Patri.

V. Dominus dabit benignitatem.
R. Et terra nostra dabit fructum suum.
V. Rigans montes de superioribus suis.
R. De fructu operum tuorum satiabitur terra.
V. Producens fœnum jumentis.
R. Et herbam servituti hominum.
V. Ut educas panem de terra.
R. Et vinum lætificet cor hominis.
V. Ut exhilaret faciem in oleo.
R. Et panis cor hominis confirmet.
V. Misit verbum suum, et sanavit eos.
R. Et eripuit eos de omnibus interitionibus eorum.
V. Domine, exaudi orationem meam.
R. Et clamor meus ad te veniat.
V. Dominus vobiscum.
R. Et cum spiritu tuo.

Orémus.

Omnipotens sempiternus Deus, qui cœlum, terram, mare, visibilia et invisibilia, verbo tuo ex nihilo creasti, quique herbas, arborisque ad usus homi-

num, animaliumque terram gignere, et unumquodque juxta sementem in semetipso fructum habere præcepisti; atque non solum ut herbarum animantibus ad victum, sed ægris etiam corporibus prodessent ad medicamentum, tua ineffabili pietate concessisti: te suppliciter mente et ore deprecamur, ut has diversi generis herbas et fructus tua clementia bene ✠ dicas, et supra naturalem a te inditam virtutem, eis benedictionis tue novae gratiam infundas; ut ad usum hominibus et iumentis in nomine tuo applicatae, omnium morborum et adversitatum efficiantur praesidium. Per Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus, per omnia saecula saeculorum. **R.** Amen.

Orémus.

Deus, qui per Moysen famulum tuum mandasti filiis Israël, ut manipulos novorum fructuum benedicendos deferrent ad sacerdotes, tollerentque fructus arboris pulcherrimae, et laetarentur coram te Domino Deo suo: adesto propitius invocationibus nostris, et infunde tuae bene ✠ dictionis abundantiam super nos, et super manipulos novarum frugum, novarum herbarum, et fructuum collectionem, quae cum gratiarum actione tibi representamus, et in nomine tuo in hac solemnitate benedicimus; et concede, ut hominibus, pecoribus, pecudibus et iumentis contra morbos, pestes, ulcera, maleficia, incantationes, veneficia serpentum, et aliorum venenosorum animalium et bestiarum morsus, nec non quaecumque venena, remedium praestent: atque contra diabolicas illusiones, et machinationes, et fraudes tutamen ferant, in quocumque loco positum vel portatum aut habitum aliquid ex eis fuerit: quatenus cum manipulis bo-

norum operum, meritis beatae Mariae Virginis, cujus Assumptionis festum colimus, quo ipsa assumpta est, suscipi mereamur. Per Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus, per omnia saecula saeculorum. **R.** Amen.

Orémus.

Deus, qui virgam Jesse, Genitricem Filii tui Domini nostri Jesu Christi, hodierna die ad caelorum fastigia ideo evexisti, ut per ejus suffragia et patrocinia fructum ventris illius, eundem Filium tuum, mortalitati nostrae communicares: te supplices exoramus; ut ejusdem Filii tui virtute, ejusque Genitricis glorioso patrocinio, istorum terrae fructuum praesidiis per temporalem ad aeternam salutem disponamur. Per eundem Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus, per omnia saecula saeculorum. **R.** Amen.

Et benedictio Dei omnipotentis, Patris, et Filii, et Spiritus sancti, descendat super has creaturas, et maneat semper.

R. Amen.

Postea herbarum aqua benedicta adspargantur et thurificentur.

**Benedictio seminum et segetum
in festo Nativitatis B. M. V.**

V. Adjutorium nostrum in nomine Domini.
R. Qui fecit caelum et terram.
V. Domine, exaudi orationem meam.
R. Et clamor meus ad te veniat.
V. Dominus vobiscum.
R. Et cum spiritu tuo.

Orémus.

Dómine sancte, Pater omnipotens, sempitérne Deus: pétimus ac rogámus, ut hos fructus ségetum ac séminum tuis serénis óculis, hilaríque vultu adspícere dignéris: et sicut testátus es Móysi fámulo tuo in terra Ægýpti, dicens: Dic filiis Israël, cum ingrési fúerint terram promissionis, quam eis dabo, ut primitias frúctuum suórum ófferant sacerdotibus, et erunt benedícti; sic et nos rogámus te, Dómine, ut per auxiliúm misericórdiæ tuæ emíttas super hunc fructum ségetum dexteræ tuæ bene ✠ dictionem, quem ad exhibéndum proférre dignéris, ut non súbruat grando, nec áëris inundátio extérminet, sed semper incólumis permáneat, propter usum animárum et córporum, et ad bene abundántem et pleníssimam maturitátem perdúcere dignéris: Qui in Trinitáte perfécta vivis et regnas in sácula sæculórum. **R.** Amen.

Orémus.

Omnipotens sempitérne Deus, cœléstis verbi seminátor et cultor, qui nostri cordis áream spiritalibus rastris exérces: adésto propítius précibus nostris, et super agros, quibus si fúerint sémina insita, tuam largam benedictionem infúnde, ac ab eis omnem vim procellárum grátia tuæ defensionis avérte; ut omnis hic fructus et tua bene ✠ dictione repleátur, et ad hórrea sine impediménto perveniat. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sácula sæculórum.

R. Amen.

Adspergantur aqua benedicta, et, si fieri potest, thurificentur.

Benedictio instrumentorum organi
in Ecclesia.

V. Adjutórium nostrum in nómine Dómini.
R. Qui fecit cœlum et terram.

Psalmus 150.



audáte Dóminum in sanctis ejus: * laudáte eum in firmaménto virtútis ejus.

Laudáte eum in virtútibus ejus: * laudáte eum secúndum multitudinem magnitudinis ejus.

Laudáte eum in sono tubæ: * laudáte eum in psalterio et cithara.

Laudáte eum in týmpano et choro: * laudáte eum in chordis et órgano.

Laudáte eum in cýmbalis benesonántibus, laudáte eum in cýmbalis jubilatiónis: * omnis spíritus laudet Dóminum.

Gloria Patri.

V. Laudáte Dóminum in týmpano et choro.
R. Laudáte eum in chordis et órgano.
V. Dóminus vobíscum.
R. Et cum spíritu tuo.

Orémus.

Deus, qui per Móysen fámulum tuum tubas ad canéndum super sacrificiis, nómini tuo offerendis, fácere præcepísti, quique per filios Israël in tubis et cýmbalis laudem tui nóminis decantári voluísti: béne ✠ dic, quæsumus, hoc instruméntum órgani, cúltui tuo dedicátum; et præsta, ut fidèles tui in cánticis spirituálibus jubilántes in terris, ad gáudia æténa pervenire mereántur in cœlis. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sácula sæculórum. **R.** Amen.

Benedictio vexilli processionalis.

V. Adjutórium nostrum in nómine Dómini.
R. Qui fecit cœlum et terram.
V. Dóminus vobíscum.
R. Et cum spíritu tuo.

Orémus.

Dómine Jesu Christe, cujus Ecclésia est véluti castrórum ácies ordináta: béne ✠ dic hoc vexillum; ut omnes sub eo tibi Dómino Deo exercítuum militántes, per intercessiónem beáti *N.* (vel beátæ *N.*) inimícos suos visíbiles et invisíbiles in hoc sáeculo superáre, et post victóriam in cœlis triumpháre mereántur. Per te, Jesu Christe, qui vivis et regnas cum Deo Patre et Spíritu sancto, in sáecula sáeculórum. *R.* Amen.

Deinde vexillum adspergat aqua benedicta.

Benedictio metalli pro campana
dum ære conflatur.

- V.* Adjutórium nostrum in nómine Dómini.
R. Qui fecit cœlum et terram.
V. Dómine, exáudi oratióem meam.
R. Et clamor meus ad te véniat.
V. Dóminus vobíscum.
R. Et cum spíritu tuo.

Orémus.

Dómine Deus omnípotens, qui creatúris étiam inanimátis hunc honórem tríbuis, ut ad cultum tuum destinéntur: tuam, quæsumus, benedictiónem effúnde super hoc metallum; et præsta, ut cum jam in rívulos ignítos prófluet, tua dirigente dextera et protegente grátia, apte et conveniénter disponátur ad efformándum tintinnábulum, quo (vel efformánda tintinnábula, quibus) fidéles ad laudem et glóriam nóminis tui in ecclésia congregéntur. Per Christum Dóminum nostrum. *R.* Amen.

Deinde fornacem adspergit aqua benedicta.

Postquam autem feliciter completum fuerit opus. Sacerdos dicit:

Psalmus 116.

Laudáte Dóminum, omnes gentes: nos misericórdia ejus: * et véritas Dómini manet in ætérnum.
* laudáte eum, omnes pópuli. | Glória Patri.
Quóniam confirmáta est super

Postea adjungit Orationem sequentem:

Orémus.

Actiónes nostras, quæsumus Dómine, adspirádo præveni, et adjuvádo proséquere: ut cuncta nostra orátio et operátio a te semper incípiat, et per te cœpta finiátur. Per Christum Dóminum nostrum. *R.* Amen.

Benedictio domus scholaris
noviter erectæ.

Die Dominicali vel Festivali, a Curato et Patrono constituta et rite promulgata, Officians et qui adsunt sacerdotes et ministri, in domo parochiali, vel, si in loco, ubi schola benedicenda sit, domus parochialis non fuerit, in aliqua alia decenti domo, paramentis coloris albi induti, omnibus bene paratis, hora statuta, præcedente scholari juventute cum vexillo suo, choro et subdiacono cum Cruce, et sequente Patrono vel ejus commissario, cum reliquis fidelibus ad hanc solemnitatem invitatis, bono ordine in solempni processione, sub pulsu campanarum et cantu Litaniarum ad omnes Sanctos vel piorum hymnorum, ex domo parochiali in ecclesiam se conferunt, ubi Officians ad aram majorem, in infimo gradu genuflexus, tono consueto intonat sequentem Hymnum. Quod si vero ecclesia nulla sit in loco, sequentia dicantur in domo, e qua egrediuntur.

Veni Créator Spíritus: quem chorus prosequitur:

Mentes tuórum visita, * Imple supérna grátia, * Quæ tu creásti pectora.

Qui diceris Paráclitus, * Altíssimi donum Dei, * Fons vivus, ignis, caritas, * Et spiritalis únctio.

Tu septifórmis múnere, * Dígitus Patérnæ dextæræ, * Tu rite promíssum Patris, * Sermóne ditans gúttura.

Accénde lumen sénsibus, * Infúnde amórem córdibus, * Infirma nostri córporis * Virtúte firmans pérpeti.

Hostem repellas longius, * Pacemque dones protinus: * Ductore sic te prævio * Vitemus omne noxium.

Per te sciāmus da Patrem, * Noscāmus atque Filium: * Teque utriusque Spīritum * Credāmus omni tēpore.

Deo Patri sit glória, * Ejusque soli Filio, * Cum Spīritu Paráclito, * Nunc et per omne sǎculum. Amen.

Tempore Paschali:

Deo Patri sit glória, * Et Filio, qui a mórtuis * Surréxit, ac Paráclito, * In sǎculórum sǎcula. Amen.

Hoc finito cantatur:

V. Kýrie eléison. **R.** Christe eléison. **V.** Kýrie eléison. **Pater noster.** *secreto.*

V. Et ne nos indúcas in tentatiónem.

R. Sed libera nos a malo.

V. Dómine, exaúdi oratiónem meam.

R. Et clamor meus ad te véniat.

V. Dóminus vobiscum.

R. Et cum spīritu tuo.

Orémus.

Deus, qui corda fidélium sancti Spīritus illustratióne docuisti: da nobis in eódem Spīritu recta sápere, et de ejus semper consolatióne gaudére.

Deus, cui omne cor patet, et omnis volúntas lóquitur, et quem nullum latet secrétum: purífica per infusiónem sancti Spīritus cogitatiónes cordis nostri; ut hanc nostram benedictiónem digne perficere, et tuis fidélibus perinde optátam salútem procuráre valeámus.

Actiões nostras, quǎesumus Dómine, adspirándo prævieni, et adjuvándo proséquere: ut cuncta nostra orátio et operátio a te semper incípiat, et per te cœpta finiátur. **Per Dóminum nostrum Jesum Christum Filium tuum:** Qui tecum vivit et regnat in unitáte Spīritus sancti Deus, per ómnia sǎcula sǎculórum. **R.** Amen.

V. Sínite párvulos veníre ad me.

R. Tálium est enim regnum cœlórum.

Orémus.

Omnípotens sempitérne Deus, te suppliciter deprecámur, ut respícere dignéris super infántulos tuos: infúnde in corda eórum grátiam Spīritus sancti; ut per eúmdem illumináti et edócti sciant, quid accéptum sit coram te omni tēpore, et proficiant sapiéntia, ætáte et grátia. **Per Christum Dóminum nostrum.** **R.** Amen.

V. Adjutórium nostrum in nómine Dómini.

R. Qui fecit cœlum et terram.

Diaconus: **V.** Procedámus in pace.

R. In nómine Christi. Amen.

Nunc Officians in processione solemni, sub cantu scholaris juventutis et pulsu campanarum, vadit ad scholam benedicendam. Quo cum pervenerit Officians, stans ante januam exteriorem, cantat solus:

V. Pax huic dómui.

R. Et ómnibus habitántibus in ea.

Tunc intonat Antiphonam: Adspérges me. Et chorus prosequitur tono Psalmi:

Dómine, hyssópo et mundábor: lavábis me, et super nivem dealbábor.

Miserére mei, Deus: secúndum magnam misericórdiam tuam.

Glória Patri, et Filio, et Spīritui sancto.

Sicut erat in princípío, et nunc et semper: et in sǎcula sǎculórum. Amen.

Deinde répetitur Antiph. Adspérges me, Dómine, hyssópo, et mundábor: lavábis me, et super nivem dealbábor.

Interim dum hæc cantantur, Officians adspérgit parietes exteriores saltem in anteriori parte aqua benedicta.

His finitis, Officians cantat:

V. Dóminus vobiscum. **R.** Et cum spīritu tuo.